

如是知如是見從欲漏有漏無明漏心得解
 脫已得解脫智我生已盡梵行已立所作已
 辦更不復生譬如清水中有木石魚鼈水性
 之屬東西遊行有眼者觀之見木石魚鼈此
 是木石此是魚鼈東西遊行比丘亦復如是
 以定心清淨至無動地得無漏智證乃至不

復更生此是比丘得第三明斷無明明法生
 闇法去明曉法存是為無漏智明何以故由
 不放逸精進不懈念無錯亂樂處寂靜故

四分律藏卷第五十三 第四分第四卷 隨三

不應下正作沓婆上唐合反應作上平聲詰問上起一反
 謬失上苗反蔓筵上音萬反噫帝音呪助下之詛助反聾

而用反綆線累髀下蒲反熱陰下去聲磔手上竹客反
 毛歸也綆字累髀下蒲反熱陰下去聲磔手上竹客反
 刮舌上得反他的罷音挽晚音警備上音斟酌上音
 針上音鹿獲下俱反儲積上音羽翻下開反紺古暗反
 擣蒲上音訾音紫音殺羊上音羝羊上音禱音
 擣上音反齒齧結二同魚掉悔上徒反恬定上徒反鞘音
 鞘音二同筐音篋音簾音積音反智

四分律藏卷第五十四

隨四

第四分五百結集法三

姚秦三藏佛陀耶舍共竺佛念譯

爾時世尊在拘尸城末羅園娑羅林間般涅槃諸末羅子洗佛舍利已以淨劫貝裹復持五百張氎次而纏之作鐵棺盛滿香油安舍

章明

利置中以蓋覆上復作木槨安鐵棺著中下積眾香薪時末羅子中為標首者持火然之時天即滅火餘大末羅子展轉皆以大炬然之時天亦皆滅之阿那律語末羅子不須乃尔疲苦諸天滅汝等火即問阿那律言大德諸天何故滅火荅言摩訶迦葉在波婆拘尸

城兩國中間在道行與大比丘眾五百人俱彼作是念我當得見未燒佛舍利不耶諸天知迦葉心如是念以是故滅火末羅子言大德阿那律今便小停遂彼諸天意尔時摩訶迦葉在彼二國中間道行與大比丘僧五百人俱時有異尼捷子持世尊般涅槃時曼陀

羅華在道行時迦葉遙見而問言汝等從何所來彼荅言我從拘尸城來復問言識我世尊不荅言識復問今故在世不荅言不在世般涅槃來已經七日我從彼持此華來時迦葉聞之不悅中有未離欲比丘聞世尊已取涅槃便自投于地譬如斫樹根斷樹倒此諸

未離欲比丘亦復如是啼哭而言善逝涅槃何乃太早世間明眼何乃速滅我曹所宗之法何得便盡或有宛轉在地猶若圓木此諸未離欲比丘亦復如是啼哭憂惱而言善逝涅槃何乃太早尔時有跋難陀釋子在眾中語諸比丘言長老且止莫大憂愁啼哭我等

於彼摩訶羅邊得解脫彼在時數教我等是應是不應當作是不應作是我等今者便得自任欲作便作欲不作便不作時大迦葉聞之不悅即告諸比丘言且起疾捉衣鉢時往及世尊舍利未燒當得見諸比丘聞迦葉言即疾疾執持衣鉢於是大迦葉與五百人俱

往拘尸城已出城度醯蘭若河往天觀寺至阿難所語言阿難我欲及世尊舍利未燒見之阿難荅言欲及世尊舍利未燒而欲見之難可得見何以故世尊舍利已洗浴裹以新劫貝復以五百張蠶次而纏之置在鐵棺盛滿香油著木槨中下積衆香薪今垂欲燒之

隨四

二

是故難可得見時大迦葉漸前往佛舍利積所棺槨即自開世尊現足時大迦葉見世尊足下輪相垢汗即問阿難世尊顏容端正身作金色誰汗足下輪相阿難荅言大迦葉女人心輒前禮佛時泣淚墮上手捉汗世尊足大迦葉聞之不悅即禮世尊足比丘比丘尼優婆塞優婆夷諸天大眾亦皆禮佛足時世尊足還內棺中不現時大迦葉哀歎說偈達棺七而火不燒自然時大迦葉燒舍利已以此因緣集比丘僧告言我先在道行時聞跋難陀語諸比丘作如是言長老且止莫復愁憂啼哭我等今於彼摩訶羅邊得解脫彼在

世時教呵我等是應尔是不應尔應作是不應作是今我等已得自任欲作便作不作便不作我等今可共論法毗尼勿令外道以致餘言譏嫌沙門瞿曇法律若烟其世尊在時皆共學戒而今滅後無學戒者諸長老今可科差比丘多聞智慧是阿羅漢者時即差得

四百九十九人皆是阿羅漢多聞智慧者時諸比丘言應差阿難在數中大迦葉言勿以阿難在數中何以故阿難有愛恚怖癡有愛恚怖癡是故不應今在數中時諸比丘復言此阿難是供養佛人常隨佛行親從世尊受所教法彼必處處疑問世尊是故今者應令

隨四

三

在數即便今在數諸比丘皆作是念我等當於何處集論法毗尼多饒飲食卧具無乏耶即皆言唯王舍城房舍飲食卧具眾多我等今宜可共往集彼論法毗尼時大迦葉即作白大德僧聽此諸比丘為僧所差若僧時到僧忍聽僧今往王舍城集共論法毗尼白如

是作白已俱往毗舍離時阿難在道行靜處心自念言譬如新生犢子猶故飲乳與五百大牛共行我今亦如是學人有作者而與五百阿羅漢共行時諸長老皆往毗舍離阿難在毗舍離住諸比丘比丘尼優婆塞優婆夷國王大臣種種沙門外道皆來問訊多人眾集時有跋闍子比丘有大神力已得天眼知他心智作如是念今阿難在毗舍離比丘比丘尼優婆塞優婆夷國王大臣種種沙門外道皆來問訊多人眾集我今寧可觀察阿難為是有欲無欲耶即便觀察阿難是有欲非是無欲復念言我今當令其生厭離心將欲令阿難生厭離心即說偈言
 靜住空樹下 心思於涅槃 坐禪莫放逸
 多說何所作
 時阿難聞跋闍子比丘說厭離已即便獨處精進不放逸寂然無亂是阿難未曾有法時阿難在露地敷繩牀夜多經行夜過明相欲

出時身疲極念言我今疲極寧可小坐念已
即坐座已方欲偃卧頭未至枕頃於其中間
心得無漏解脫此是阿難未曾有法時阿難
得阿羅漢已即說偈言
多聞種種說 常供養世尊 已斷於生死
瞿曇今欲卧

時諸比丘從毗舍離往王舍城作如是言我
等先當作何等為當先治房舍卧具先論法
毗尼耶皆言先當治房舍卧具即便治房卧
具時大迦葉以此因緣集比丘僧中有陀醯
羅迦葉作上座長老波婆那為第二上座大
迦葉為第三上座長老周那為第四上座

隨四

四

時大迦葉知僧事即作白大德僧聽若僧時
到僧忍聽僧今集論法毗尼白如是時阿難
即從座起偏露右肩右膝著地合掌白大迦
葉言我親從佛聞憶持佛語自今已去為諸
比丘捨雜碎戒迦葉問言阿難汝問世尊不
何者是雜碎戒阿難答言時我愁憂無賴失

不問世尊何者是雜碎戒時諸比丘皆言來
我當語汝雜碎戒中或有言除四波羅夷餘
者是雜碎戒或有言除四波羅夷十三事餘
者皆是雜碎戒或有言除四波羅夷十三事
二不定法餘者皆是雜碎戒或有言除四波
羅夷十三事二不定法三十事餘者皆是雜

碎戒或有言除四波羅夷乃至九十事餘者
皆是雜碎戒時大迦葉告諸比丘言諸長老
今者眾人言各不定不知何者是雜碎戒自
今已去應共立制若佛先所不制今不應制
佛先所制今不應却應隨佛所制而學時即
共立如此制限

大迦葉語阿難言汝於佛法中先求度女人
得突吉羅罪今應懺悔阿難答言大德此非
我故作摩訶波闍波提於佛有大恩佛母命
過長養世尊大德迦葉我今於此不自見有
罪以信大德故今應懺悔大迦葉復言汝令
世尊三反請汝作供養人而言不作得突吉

隨四

五

羅罪今當懺悔阿難答迦葉言我不故作為佛作供養人難是故言不能耳我於此中不自見有罪以信大德故今當懺悔迦葉復言汝為佛縫僧伽梨脚躡而縫得突吉羅罪今應懺悔阿難答言大德迦葉非我慢而故作更無人捉故尔我於此不自見有罪信大德故今當懺悔迦葉復言世尊欲取涅槃三反告汝汝不請世尊住世若一劫若過一劫今無數人得利益慈愍世間諸天人令得安樂汝得突吉羅罪今應懺悔阿難答言大德迦葉非我故作魔在我心令我不請佛住世我於此中不自見有罪信大德故今當懺悔迦葉復言世尊在時從汝索水汝不與得突吉羅罪今應懺悔阿難答言非我故作時有五百乘車從水中過其水垢濁恐世尊飲之作患是故不與迦葉復言汝但應與若佛威神或復諸天能令水清淨阿難言我於此中不自見有罪信大德故今當懺悔迦葉復言

汝不問世尊何者是雜碎戒得突吉羅罪今應懺悔阿難言我非故作時我愁憂無賴失不問世尊何者是雜碎戒我於此中不自見有罪信大德故今當懺悔迦葉復言汝不遮女人令汗佛足得突吉羅罪今應懺悔阿難答言非我故作女人心輕禮佛足時泣淚手汗佛足我於此中不自見有罪信大德故今當懺悔時大迦葉即作白言大德僧聽若僧時到僧忍聽僧今問優波離法毗尼白如是時優波離即作白大德僧聽若僧時到僧忍聽僧今今上座大迦葉問我答白如是時大迦葉即問言第一波羅夷本起何處誰先犯優波離答言在毗舍離須提那迦蘭陀子初犯第二復本起何處答言在王舍城陀尼伽比丘陶師子初犯復問第三本起何處答言在毗舍離婆婁河邊比丘初犯復問第四本起何處答言在毗舍離婆婁河邊比丘初犯復問第一僧殘本起何處答言在舍衛國迦

隨四

六

留陀夷初犯如是展轉隨所起處如初分說復問第一不定法本起何處答言在舍衛國迦留陀夷初犯第二亦余復問尼薩耆本起何處答言在舍衛國六群比丘初犯如是展轉亦如初分說復問初波逸提本起何處答言在釋翅瘦象力釋子比丘初犯如是展轉

如初分說復問波羅提提舍尼本起何處答言在舍衛國蓮華色比丘尼起第二第三第四如初分說復問第一衆學法本起何處答言在舍衛國六群比丘初犯如是展轉如初分說比丘尼別戒如律所說復問最初聽受大戒本起何處答言在波羅奈五比丘復問

最初聽說戒在何處答言在王舍城爲諸少年比丘復問初聽安居本起何處答言在舍衛國因六群比丘起復問初自恣本起何處答言在舍衛國因六群比丘起如是展轉問乃至毗尼增一時彼即集比丘一切事并在一處爲比丘律比丘尼事并有一處爲比丘

尼律一切受戒法集一處爲受戒捷度一切布薩法集一處爲布薩捷度一切安居法集一處爲安居捷度一切自恣法集一處爲自恣捷度一切皮革法集一處爲皮革捷度一切衣法集一處爲衣捷度一切藥法集一處爲藥捷度一切迦絺那衣法集一處爲迦絺

隨四

七

那衣捷度二律并一切捷度調部毗尼增一都集爲毗尼藏時大迦葉即作白大德僧聽若僧時到僧忍聽僧今問阿難法毗尼白如是時阿難即復作白大德僧聽若僧時到僧忍聽僧今令大迦葉問我答白如是大迦葉即問阿難言梵動經在何處說增一在何處說增十在何處說世界成敗經在何處說僧祇陀經在何處說大因緣經在何處說天帝釋問經在何處說阿難皆答如長阿含說彼即集一切長經爲長阿含一切中經爲中阿含從一事至十事從十事至十一事爲增一雜比丘比丘尼優婆塞優婆夷諸天雜帝釋

雜魔雜梵王集為雜阿含如是生經本經善因緣經方等經未曾有經譬喻經憂婆提舍經句義經法句經波羅延經雜難經聖偈經如是集為雜藏有難無難繫相應作處集為阿毗曇藏時即集為三藏時長老富羅那聞王舍城五百阿羅漢共集法毗尼即與五百

比丘俱往王舍城至大迦葉所語如是言我聞大德與五百阿羅漢共集法毗尼我亦欲豫在其次聞法時大迦葉以此因緣集比丘僧為此比丘更問優波離乃至集為三藏如上所說彼言大德迦葉我盡忍可此事唯除八事大德我親從佛聞憶持不忘佛聽內宿

內煮自煮自取食早起受食從彼持食來若雜菓若池水所出可食者如是皆聽不作餘食法得食大迦葉答言實如汝所說世尊以穀貴時世人民相食乞求難得慈愍比丘故聽此八事時世還豐熟飲食多饒佛還制不聽彼復作是言大德迦葉世尊是一切知見

不應制已還開開已復制迦葉答言以世尊是一切知見故宜制已還開開已復制富羅那我等作如是制是佛所不制不應制是佛所制則不應却如佛所制戒應隨順而學在王舍城五百阿羅漢共集法毗尼是故言集法毗尼有五百人

隨四

八

第四分七百結集毗尼四

亦時世尊般涅槃後百歲毗舍離跋闍子比丘行十事言是法清淨佛所聽應兩指抄食得聚落間得寺內後聽可得常法得和得與鹽共宿得飲闍樓羅酒得畜不割截坐具得受金銀彼於布薩日檀越布施金銀而共分之時有耶舍伽那子聞毗舍離比丘行如是事即往跋闍子比丘所見勸檀越布薩時布施眾僧金銀僧中唱令與伽那子比丘即言我不受何以故沙門釋子不應受取金銀沙門釋子捨棄珠寶不著飾好彼於餘日作分已送與伽那子比丘伽那子比丘言我不須

我先言沙門釋子捨棄珠寶不著飾好彼即言毗舍離優婆塞瞋汝往教化今喜時即差使共往耶舍伽那子比丘至毗舍離優婆塞所語如是言汝實瞋我語耶我言沙門釋子不得受取金銀棄捨珠寶不著飾好語優婆塞言世尊在王舍城時王宮中王群臣集說

如是語沙門釋子應得受取金銀不捨珠寶非不著飾好時彼眾中有大長者家珠髻語諸大目言勿作是言沙門釋子受取金銀不捨珠寶非不著飾好何以故沙門釋子不應受取金銀棄捨珠寶不著飾好時珠髻長者為諸大目解說各令得解歡喜珠髻長者後

隨四

九

於異時往世尊所頭面禮足却坐一面以先因緣具白世尊言我即為解說各令歡喜世尊我說是言將無違失聖旨不如法教耶佛言長者如汝所說如法如實不違世尊教法何以故沙門釋子不應受取金銀除捨珠寶不著飾好其有受取金銀者則受五欲若受

五欲則非沙門釋子法長者汝若見沙門釋子捉持金銀決定應知非沙門法耶我作是說聽為竹葦草木故求乞金銀終不應自受取金銀是故離奢以此因緣沙門釋子不應受取金銀棄捨珠寶不著飾好離奢復於異時世尊在祇洹中告諸比丘有四事故今日

月不明何等為四阿脩羅烟雲霧塵是為四事今日月不明如是沙門婆羅門亦有四事汚染塵穢令沙門婆羅門無有光顯何等四或有沙門婆羅門飲酒不能除斷此是第一塵穢或有沙門婆羅門行愛欲法不能捨離此是第二塵穢或有沙門婆羅門受取金銀不捨飾好此是第三塵穢或有沙門婆羅門以邪命自活不能除斷此是第四塵穢是為四事以此四事故令沙門婆羅門汚穢不明無有光顯世尊亦時即說偈言
貪欲垢所活 沙門婆羅門 愚癡所覆蓋
愛著於好色 飲酒散亂心 彼行愛欲法

受取金寶瓔

此為無智者

沙門婆羅門

邪命以自活

佛說此為結

如日生雲翳

無光顯威耀

不淨純垢汚

盲冥闇所閉

愛欲之所使

造惡不善業

癡何能行道

怨憎甚增益

更受未來身

是故離奢以此因緣故汝等當知沙門釋子

不應受取金銀除去飾好我說是語汝以此

事不信我耶彼離奢言我非為不信我有信

樂於汝汝可住此毗舍離我當供給衣服飲

食醫藥所須之物時伽那子比丘與諸離奢

解說令得歡喜已與彼使比丘俱還婆闍子

比丘所遙見伽那子比丘來即問使比丘言

隨四

十

伽那子比丘已解喻諸離奢得信耶答言介

即言彼已信樂伽那子持我等非沙門釋子

婆闍子比丘問言何故耶即具說先因緣彼

毗舍離比丘語伽那子比丘言汝先罵眾僧

見罪不答言我不罵眾僧彼即和合與作舉

伽那子比丘作是念我此誣事若得長老離

婆多與我作伴者便可得如法滅彼即問餘

人言離婆多在何處彼即答言聞在婆呵河

邊即往婆呵河邊離婆多不在彼即問離婆

多在何處彼即答言聞在伽那慰閣國即往

彼國既至離婆多復不在復問離婆多不在

處答言在阿伽樓羅國即往彼國而復不在

即問離婆多在何處答言在僧伽賒國即復

往彼國見離婆多值眾僧集問離婆多供養

弟子言汝大德長老離婆多往眾僧中不答

言當往時離婆多往集僧中聽說法已夜半

後捉尼師檀還屋時耶舍伽那子亦在僧中

集聽法已夜半後捉足師檀往離婆多所彼

作是念今正是時當具說先因緣令其得聞

彼即問離婆多言大德上座得二指抄食不

彼還問言云何二指抄食答言大德長老足

食已捨威儀不作餘食法得二指抄食食離

婆多言不應尔問言在何處制答言在舍衛

國不作餘食法食以是故制復問言大德長

隨四

十一

老得村間不彼還問言云何得村間答言大德長老足食已捨威儀不作餘食法兩村中間得食離婆多言不應尔問言在何處制答言在舍衛國不作餘食法以是故制彼問言大德長老得寺內不彼還問言云何得寺內答言大德長老在寺內得別眾羯磨離婆多言不應尔問言在王舍城布薩捷度中制大德長老得後聽可不還問言云何得後聽可答言大德長老在界內別眾羯磨已聽可離婆多言不應尔問言在何處制答言在王舍城布薩捷度中制復問得常法不還問言云何得常法答言大德長老此作是已言是本來所作彼答言比丘知不應觀脩多羅毗尼檢校法律若不觀毗尼不檢校法律而違反於法若已作不應作未作亦不應作若觀脩多羅毗尼檢校法律與修多羅與法律相應不違本法若已作若未作應作復問言大德長老得和不彼還問言云

何得和答言大德長老足食已捨威儀以蘇油蜜生蘇石蜜酪和一處得食不答言不應尔問言在何處制答言在舍衛國不作餘食法食以是故制復問言大德長老得與鹽共宿不彼還問言云何得與鹽共宿答言大德長老得用共宿鹽著食中食答言不應尔問言在何處制答言在舍衛國藥捷度中制復問大德長老得飲闍樓羅酒不答言不應尔問言在何處制答言在拘睢彌國因長老安伽陀比丘制復問大德長老得畜不割截坐具不答言不應畜問言在何處制答言在舍衛國因六群比丘制復問大德長老得受取金銀不答言不應尔問言在何處制答言在王舍城因跋難陀釋子制彼言大德長老毗舍離婆闍子比丘行此十事言清淨如法是佛所聽彼勸檀越於布薩時施眾僧金銀令分物人分彼言汝莫語餘人何以故恐諸比丘所見不同而不與和合比丘汝可往阿呀

隨四

十三

恒河山中彼處有三浮陀比丘是我同和上
 與六十波羅離子比丘共住彼皆勇猛精進
 度無所畏以此因緣具為彼說已共期婆呵
 河邊我亦當往時耶舍伽那子比丘即往彼
 山中至三浮陀所以此因緣具向彼說之期
 婆呵河邊大德離婆多亦當來時毗舍離婆

闍子比丘聞耶舍伽那子比丘往人間求索
 伴黨彼即大持毗舍離好衣往離婆多弟子
 所語言我為大德離婆多故持此好衣來與
 今止不復與即迴與汝可取彼言止止我不
 受彼復勤勤逼今受彼遂便受既受已作是
 言長老波夷那波梨二國比丘共諍世尊出

在波夷那國善哉長老能為我白大德上座
 波夷那波梨二國比丘共諍世尊出在波夷
 那國善哉大德當助波夷那比丘彼即答言
 大德長老離婆多尊重我難不敢言彼即強
 逼之不已便往離婆多所白如是言大德彼
 波夷那波梨二國比丘共諍世尊出在波夷

那願大德助波夷那比丘彼即答言汝癡人
 持我在不淨部中汝去不復須汝彼得遣已
 便往毗舍離婆闍子比丘所語如是言長老
 我先語汝大德離婆多尊重難可為言我不
 堪語今大見責彼問言說何等彼言已遣我
 復問言汝幾臘答言十二歲問言汝十二歲

隨四

十三

猶故怖畏遣耶答言不受我供養云何不
 畏時彼離婆多及諸比丘如是語我等今當往
 諍所起處即乘船從恒水中往時天熱疲極
 住船在岸邊蔭下息時婆搜村有長老在道
 行作如是念我今此諍事當觀修多羅毗尼
 知誰法語誰非法語彼即觀修多羅毗尼檢

按法律便知波梨國比丘是法語波夷那比
 丘非法語時有天不現身而讚言善哉善男
 子如汝所觀波梨比丘如法語波夷那比丘
 非法語時諸長老即共往毗舍離毗舍離有
 長老字一切去是閻浮提中最上座時三浮
 陀語離婆多言今往一切去上座屋中宿共

說此事令其得聞時二人即共相隨往至彼
屋時一切去長老夜坐禪思惟夜已久離婆
多作是念此上座年已老氣力羸劣而久坐
如是況我當不作如是坐時離婆多即便坐
思惟至夜久一切去長老作是念此客比丘
遠來疲極猶故坐禪思惟如是況我而不久

坐時彼長老即復久坐思惟夜已過多語離
婆多言長老汝此夜思惟何法答言我先白
衣時常習慈心此夜思惟入慈三昧彼即言
汝此夜入小定何以故慈心三昧是小定即
復問言大德一切去此夜思惟何法答言我
先白衣時習空法我此夜多入空三昧彼言

大德此夜思惟大人之法何以故大人之法
入空三昧彼作是念今正是時可說先因緣
令其得知彼問言大德長老得二指抄食不
問言云何得二指抄食答言大德足食已捨
威儀不作餘食法得二指抄食食答言不應
尔問言在何處制答言在舍衛國不作餘食

法以是故制如是一一說乃至布薩受取金
銀令分物人分如上說彼即言勿語餘人恐
人心不同不得和合一切去上座為第一上
座三浮那第二上座離婆多第三上座婆搜
村是第四上座阿難皆為其和尚時長老一
切去知僧事時上座即作白大德僧聽若僧

隨四

七

時到僧忍聽今僧論法毗尼白如是時波夷
那比丘語波梨比丘言汝等今可出平當人
彼即言上座一切去離婆多耶舍蘇曼那是
平當人波梨比丘語波夷那比丘言汝等亦
應出平當人彼即言長老三浮陀婆搜村長
老沙留不闍蘇摩是平當人是中有阿夷頭

比丘堪任勸化彼諸比丘言持此比丘在數
中何以故彼在所處當為我等勸化即著數
中彼諸上座作是念我等若在眾中問此事
恐更生餘譁事不知誰語是誰語非我等今
寧可差次在別處共平論耶彼諸長老作是
念我等於何別處而平誼此事即言當於婆

梨林中時一切去長老即作白大德僧聽如此為僧所舉比丘若僧時到僧忍聽於婆梨林中論法毗尼餘比丘不在中白如是如是作白已應羯磨差二三比丘取餘比丘欲至婆梨林中時一切去上座以此因緣集比丘僧如是諸上座皆集時一切去上座即作白

大德僧聽若僧時到僧忍聽今僧論法毗尼白如是時離婆多即作白大德僧聽若僧時到僧忍聽僧今問一切去上座法毗尼白如是時上座一切去即復作白大德僧聽若僧時到僧忍聽僧今令離婆多問我答法毗尼白如是離婆多問言大德上座得二指淨不

隨四

十五

即還問言云何二指淨答言大德長老足食已捨威儀得二指抄食食答言不應尔問言在何處制答言在舍衛國不作餘食法食以是故制此是第一事非法非毗尼非佛所教別處平誼已下一舍羅如是一一檢校乃至十事非法非毗尼非佛所教皆下舍羅彼諸

長老作是語如我等今於別處平誼此事已今復欲於僧中如是檢校何以故令眾人皆知故彼諸長老皆往毗舍離時一切去上座即集比丘僧已作白大德僧聽若僧時到僧忍聽僧今論法毗尼白如是長老離婆多即作白大德僧聽若僧時到僧忍聽僧今問一

切去上座法毗尼白如是時一切去上座即作白大德僧聽若僧時到僧忍聽僧今令離婆多問法毗尼我答白如是離婆多即問言大德長老得二指淨不彼問言云何得二指淨答言大德長老足食已捨威儀不作餘食法得二指抄食食答言不應尔問言在何處

制答言在舍衛國不作餘食法食是故制此是第一事非法非毗尼非佛所教於僧中檢校已下一舍羅如是一一檢校乃至十事非法非毗尼非佛所教於僧中檢校已皆下舍羅在毗舍離七百阿羅漢集論法毗尼故多七百集法毗尼具足竟

四分律藏卷第五十四 第四分第五卷 隨四

疊音宛轉上及紆迦下締下及母鹽音暨音一計阿呀

于下及兄誼音 十六末

平江路崑山州太倉市海草寺比丘處林發心捨施中統鈔伍矣助刊

大藏經功德上報

佛恩下濟群品法界有情同圓種智者大德十年五月 日意

磧砂大藏經

四分律藏

卅

第七〇册